



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

XII Horreensis Abbatissa post S. Irminam Anastasia, non S. Modesta. S.
Chlodulphus Episcopus Metensis, non Treuirensis.

urn:nbn:de:hbz:466:1-9599

iis tamen facultatibus exceptis, quas IRMINA in ipso Epternaco possedit. Actum Gaimundis III Idus Maias regni D.N. Childeberti anno XII. Pippinus & Plectrudis, item Chubertus, Bernarius, Charibaldus, Constantinus, Iosephus, Vvinetharius subscripsere. Fuit is annus Christi 700ccix aut sequens. Vtramque hanc Epternacensibus factam donationem & S. IRMINÆ & Principum Pippini ac Plectrudis paucis describit Theofridus in Vitâ S. IRMINÆ.

Ab hac deinde euocatus S. Willibrordus Treuirim, Horreensem monasterium peste liberauit: quod beneficium carmine heroico celebrat Alcuinus Flaccus in Vitâ S. Willibrordi. Visitur iuxta Horreum antiquæ religionis parœcia S. Paulo sacra, & monasterio attributa, quam S. Willibrordum, Sacerdotum duodecim prouentu ab S. IRMINA locupletatam, solenni cæremoniâ consecrassæ, scribit idem Theofridus in huius Vitâ, additque illi ab eâ etiam Montisvillam in pago Zulpiaco traditam esse.

XII

Horreensis Abbatissa post S. IRMINAM Anastasia, non S. Modesta. S. Chlodulfus Episcopus Metensis fuit, non Treuirensis.

TRithemius in Compendio libri i Annal. Francor. opinatur huic IRMINÆ in regimine sanctorialium successisse Modestam cœnobij Romarici alumnam, & filiam sororis B. Modoaldi Archiepisci Treuirorum, dein Anastasiam, et quarto loco Basilissam. Quæ Browerus monet, Trithemium scribere, priuata monumenta secutum, eamque successionem non esse certam. Imò

P 2

idem

idem Trithemius lib. 3 de Viris illustribus Ordinis S. Benedicti cap. 143 agit de S Modestâ Abbatissâ, atque ipsem, quod alibi scripserat, refellere videtur. *Volunt autem quidam, inquit, quod hæc sacra Virgo fuerit secunda Abbatissa in Horreo Treuirensi: quod an ita sit, temporis diffensio me non sinit discerne-re. Probet alias.* Scilicet qui antè scripserat hanc successio-nem contigisse sub Chlodoueo filio DAGOBERTI 1, etiam lib. 3 de Viris illustribus cap. 138, subiungit S. IRMINAM s. Willibrordo, aitque *claruisse anno Domini 1000.* Et hac de caußâ Browerus S. Modestam inter Treuirenses nusquam recenset, innuens *alumnam esse cœnobij S Romarici, quod apud Mosellam est, nunc simul oppidum Lotharingiae, in Comitatu Auendësi à S. Romarico extructum, cuius fundationis diploma legitur apud Ruerum lib. 4 Antiquitatum Vosagensium sub finem Vitæ S. Romarici.* Hinc in Vitâ S. Gertrudis Niuellensis illius cōsobrinæ, quæ anno 1014 statim à mor-te illi apparuit, non legendum est: *In Treuirensi monasterio Abbatissa fuit, Modestanomine; sed potius, In Auendensi mona-sterio.* Neque enim Treuiri monasterium, sed vrbs erat, va-ria complectens cœnobia. Nec vnicus ille error inibi est, Sequitur enim: *Cum autem crastinus dies aduenisset, ciuitatis Episcopus, nomine Clodulphus, venit ad monasterium prædictæ Modestæ. . . . Ille per ordinem narravit staturam corporis eius & speciem decoris eius.* Est hic S. Chlodulphus Episcopus Meten-sis, cuius frater Ansigius Dux S. Beggam sororem Gertru-dis vxorem duxerat. Addendum igitur, *ciuitatis Metensis Episcopus, pro quâ voce in aliis MSS, substitutum, ciuitatis eiusdem Episcopus.* At Surius mutato stylo edidit *Treuirensis Episcopus.* Nam anno illo 1014 præterat Ecclesiæ Treuirensi S. Numerianus, electus tempore S. Sigeberti Regis, & post-ea sub Childerico mortuus. Ex illâ nihilominus mendâ a-lius.

Irus & peior succreuit error, quo S. Chlodulphus relictâ Sede Metensi, dicitur factus Archiepiscopus Treuirensis; sed de tempore inter auctores non cōuenit. Alij cum Claudio Roberto substituunt S. Modoaldo ante Numetianum, alij cum Scheckmanno ac Meurissio in sequens reiciunt seculum, quo dicunt S. Lutwino successisse, rati etiam tum S. IRMINÆ successisse Modestam: quasi eò usque vixisset S. Gertrudis, & mox ab obitu S. Modestæ apparuisset.

Successisse S. IRMINÆ cum Browero opinamur Anastasiam, de quâ Theodericus ex veteribus testamentorum codicillis hæc refert apud eumdem Browerum: *S. Willibrordus & Domina Anastasia Abbatissa puerarum in Horreo fecerunt inter se commutationem vinearum, & dedit Dominus Willibrordus Dominae Anastasiae vineæ petituras duas, in monte Paginse iuxta flumen Khenum, cum vinitore & omni peculio suo, quæ sibi illustris fæmina Irmentrudis filia Pantini, consobrina S. IRMINÆ, dederat. Et recepit ab eâ alias duas petituras in monte Cabracensi super flumen Mosellæ cum vinitore & omni peculio.* Hæc ibi. Willibrordus Boschartus dissertatione 99 de Frisiæ veteris primis Apostolis, duas obtrudit IRMINAS, filias Regū DAGOBERTORVM, quarum alterā scribit DAGOBERTI I. filiam, Horreensis cœnobij fundatricem primam, quod post huius discessum S. Modesta cū Modoaldo Archiepiscopo Treuirensi, auunculo suo, foundationem promouisse dicatur in pruilegio isti monasterio dato à Leone Papâ: quem ipse cum Miræo, qui illud edidit lib. 2. Diplomat. Belgicorum cap. 3, attribuit S. Leoni II, qui sedet à XI V Augusti anni 100-1000 ad XXVIII Junij anni sequentis. Browerus cōtrà tradit impetratum à Leone III, qui præfuit Ecclesiæ ab anno 1000 ad annum 1000-1006, censemque à posteris interpolatum, ut inde nihil certi confici possit. Alteram IRMINAM

P 3.

arbitra-

arbitratur Boschartus fuisse filiam DAGOBERTI II qui ab anno
1000 ad 1022 regnârit, eamque S. Willibrordo deuo-
tam, cuius dein donationis chartulam edit, signatam anno IV
Childeberti Regis, patris dicti DAGOBERTI, ut eam Irminam
necessè foret ante auum, qui iuuenis cœpit regnare, natam
fuisse. Huius etiam DAGOBERTI filiam censet Scipio Du-
pleix S. IRMINAM fuisse. Ipsum Leonis diploma damus, ut
eius diiudicatio sit penes lectorem. ita ergo legitur:

*Ego Leo Vicarius S. Petri Principis Apostolorum, meritis qui-
dum impar, vice tamen ipsius dignitate Romani fungens præsula-
tus, cœnobium Horreense à Modovvaldo Treuirorum Archiepi-
scopo, subministrante B. Modestâ, filiâ sororis eius, è regalibus hor-
reis, à quibus & nomen accepit, ad diuini cultus officium restaura-
tum, post discessum beatæ Virginis Irmine, que prima hunc locum
prouehendum suscepit, tantâ reuerentia & honore ad primè dona-
tum accepimus, ut matre istius congregationis vitâ excedente,
nulla ab extraneis quocumque modo, sed una ex ipsis subrogetur,
Principibus Ecclesiæ Treuirensis ex consulto fauentibus, Sororibus
electione potitis, ipso quoque Præsule deuotè annuente. Quod tantâ
auctoritate subnixum, ut in æternum stabile permaneat & fixum:
ut in nomine Iesu Christi Domini nostri, sanctig. prædecessoris Pe-
tri, & omnium electorum Dei, aeterno seruetur damnandus iudicio,
si quis Prælatus tanto hic cōmorantes exinanuerit priuilegio. Fiat,
fiat, Amen, amen.*

Hactenùs illud diploma apud Miræum adiunctum alteri
diplomati, quo DAGOBERTVS i possessiones Ecclesiæ me-
tropolitanæ Treuirensis dicitur confirmare: in quo hæc le-
guntur: *Præcipimus atque iubemus, ut omnes res vel facultates ad
Ecclesiam B. Petri Treuericae urbis pertinentes, scilicet cellam S.
Hilarij, que nunc appellatur S. Maximini, que est in prædio S. Pe-
tri constructa, & cellam S. Paulini & S. Eucharyj, & monasterium*

S. Mariae

S. Mariæ quod idem præfatus Modowaldus in territorio S. Petri nuper à fundamentis construxit, quod vocatur Horrea, & basilicam S. Martini . . . sub iure & potestate S. Petri Treuirensis ecclesiæ eiusq[ue] Pontificis perpetualiter mancipata permaneant . . . Extat illud diploma à Francisco Rosierio in Stemmati Lotharingiæ editum pag. I sed mirè intricatum, in quo tertio repetitur nomen Arnulphi Ducis Austriae Mosellanice, idque anno 10CXXIII, quo S. Arnulphus erat Episcopus Metensis, non Atto, siue Abbo, qui isti Episcopus Metensis subscribit. Adduuntur sigilla varia conficta, ut DAGOBERTI Regis habens insculptum scutum liliis plenum, qui ritus posterioribus temporibus inductus fuit. Nicolaus Zyllesius in defensione Abbatiae Imperialis S. Maximini idem diploma, sed hinc inde correctum, exhibet, ab aduersariis obiectum, quod nihilo minus §§ nouem à pag. 58 ad pag. 71 cōfictum esse demonstrat. Browerus pag. 422, *Si à vertice, inquit, usque ad extre-
mum vnguem hac in eo diplomate contenta, cōferas, nihil, meā
quidē sententiā, hic sani repieres.* Eodē modo menda adpersa apparent nonnulla in citato diplomate sub nomine Leonis Papæ. Quomodo enim decesserat S. IRMINA, cùm Horreense monasteriū, subministrante sumptus B. Modestā, restauraret Modoaldus Episcopus, quod in altero diplomate dicitur à fundamentis construxisse ante annum XXIII, aut, vt alij, ante annum regni XII, Christi 10CXXXIII? Quomodo, inquam, tum è vitâ decesserat S. IRMINA filia DAGOBERTI & Nanthildis, quam, legitimâ coniuge Gomadrude anno sequente 10CXXXV repudiata, duxit? Quidni S. Leonis IX ex Episcopo Tullensi anno 10CXLIX Pontificis Romani creati, à quo suprà diximus constitutionem pro monasteriis Stabulao & Malmundario factam esse, potius dicatur citatum suprà diploma fuisse, qui tum ob libellum supplicem à quo-
piam

piam imperito antiquæ historiæ conscriptum, approbârit liberam Abbatissæ electionem, minimè à simili controuer-
fiâ dependentem? Fauet huic coniecturæ, quod cœno-
bium S. Romarici, in quo S. Modesta vixit, in diœcesi fue-
rit Tullensi, ut vel inde apposito S. Modestæ nomine, eius
benevolentiam conciliandam auctor libelli supplicis spe-
rassæ videatur. Demum, quidni tam potest illa Leonis Pa-
pæ constitutio suppositia censeri, quam, ut Browerus scri-
psit, à posteris interpolata?

XII

*Sepultura S. IRMINÆ apud VVissenburgenses. Hoc
monasterium à DAGOBERTO parente dotatum.
Alia monasteria à DAGOBERTO fundata aut
dotata.*

Album-Castrum, inquit Gaspar Bruschius, vel VViesen-
burgum, monasterium instituti Benedictini, unum ex Germa-
niæ omnibus antiquissimum ac potentissimum: una item ex qua-
tuor illis sacri Romani Imperij abbatiis, Ducali dignitate conspicuis,
Fuldensis, Campidonensis, ac Murbacensis Abbatiarum in hac fe-
licitate consors ac socia. Id, inquam, amplissimum cœnobium in me-
diâ Alsatiâ ad montana Vosagi & in eiusdem nominis imperiali
oppido ad amnem Lutharum, qui medium ciuitatem perfluit, amœ-
nissimo loco situm, Spirensis diœcœos, quod alibi VVitzenburgum,
quasi sapientiæ castrum dicitur, quod nomen scholæ & academiæ ta-
lì pulchrè conuenit. Fundatum ac inchoatum legitur anno 10C-
XXIII, dotatum verò & auctum anno Christi 10CLXIV à DAGO-
BERTO potentissimo Galliarum Rege, cuius filia Domna IRMINA,

prima